

# MEER OOR BOEDDHISME EN DIE CHRISTENDOM\*

Siyavula Uploaders

This work is produced by OpenStax-CNX and licensed under the  
Creative Commons Attribution License 3.0<sup>†</sup>

## 1 GESKIEDENIS

### 2 Graad 4

## 3 DIE ONTSTAAN VAN GODSDIENSTE VAN DIE WÊRELD

### 4 MEER OOR BOEDDHISME EN DIE CHRISTENDOM

### 5 Module 16

### 6 Boeddhisme




Figure 1

---

---

\*Version 1.1: Jun 18, 2009 8:54 am -0500

<sup>†</sup><http://creativecommons.org/licenses/by/3.0/>

Oorsprong:	Boeddhisme het omstreeks 500 v.C. in Noord-Indië ontstaan. Vandag is dit deur die grootste deel van Suidoos-Asië versprei.
Wat glo hulle?	DIE BOEDDHISTIESE geloof word op die leerstellings van die Boeddha gegrond. Hul simbool is 'n wiel met agt speke.
Naam van Stigter/Leier:	BOEDDHASiddharta Gautama is 563 v.C. in Indië gebore. Hy het as 'n prins grootgeword en sy tuiste op 29-jarige leeftyd verlaat om 'n lewe van oordenking en prediking te lei. Hy is die Boeddha of "verligte" genoem.
Waarhede:	Die heilige beginsels is vervat in die heilige geskrif, die <i>Dhammapada</i> : <ul style="list-style-type: none"> <li>• <b>Doekkha:</b> Om te lewe, is om te ly.</li> <li>• <b>Samoedaja:</b> Begeerte veroorsaak lyding.</li> <li>• <b>Nirodha:</b> Vryheid van begeerte beteken die einde van lyding.</li> <li>• <b>Magga:</b> 'n Mens vind vryheid deur die agtvoudige weg van Boeddhisme te volg.</li> </ul>
Sleutelpunte:	<ul style="list-style-type: none"> <li>• Geestelike vervulling spruit uit die regte optrede en gedagtes.</li> <li>• Die lewe is 'n opeenvolging van geboorte.</li> </ul>
Heilige Geskrif:	Die <i>Dhammapada</i> is die bekendste deel van die <i>palikanon</i> , die versamelde leerstellings van Boeddha. Dit bevat die Vier Waarhede en die Agtvoudige Weg: die regte opvatting, bedoeling, spraak, optrede, lewenswyse, inspanning, bewustheid en konsentrasie.

Table 1




Figure 2

Heilige Gebruik:	MONNIKE Boeddhiste-monnike leef eenvoudig en gee die meeste van hul besittings prys. Hulle bid, onderrig, mediteer en bedel om hul kos.	
Heilige Dae:	Naam	Gebeurtenis
	Sakjamoeni (of Wesak)	Geboorte van Boeddha
	Bodhi-dag	Boeddha se verligting
	Panniswana	Sy "hemelvaart"
	Paggoena	Bron van lewensiklus
Heilige Woorde:	<b>Anatta:</b> Daar is geen eie ek nie <b>Anikka:</b> Die eie ek is nie blywend nie <b>Arahat:</b> Waardig, gebruik om Boeddha te beskryf <b>Bhikkoe:</b> Monnik <b>Jataka:</b> Beskrywings van Boeddha se lewens <b>Nibbana:</b> Toestand van vrede <b>Sangha:</b> Monnike-orde <b>Vihaia:</b> Klooster	
<i>continued on next page</i>		

Heilige Plekke:	GOUE PAGODE. Die Sjwedagon-pagode in Rangoen, Birma, is een van die oudste Boeddhistetempels. Dit is met goud bedek en bo-op met meer as 4 000 diamante versier.
-----------------	--

Table 2

## 7 Die Christendom



Figure 3

Oorsprong:	Die Christendom het omstreeks 30 n.C. in Palestina (in die huidige Israel) ontstaan toe Jesus met sy prediking begin het.
Wat glo hulle?	Christene glo dat Jesus Christus die seun van God is wat na die aarde gekom het om hulle van sonde te verlos. Hul simbool is die kruis.
Naam van Stigter/Leier:	JESUS CHRISTUS Jesus is 4 v.C. in Betlehem, Israel gebore. Toe hy 30 jaar oud was, het hy begin preek en siekes genees. 'n Paar jaar later is hy verhoor en deur die Romeine tereggestel omdat sy leringe glo met die Joodse wet gebots het.
<i>continued on next page</i>	

Waarhede:	<p>TIEN GEBOOIE Christene gehoorsaam veral tien reëls wat reeds in die Ou Testament opgeteken is:</p> <ul style="list-style-type: none"><li>• Aanbid slegs een God.</li><li>• Moenie beelde maak en aanbid nie.</li><li>• Eerbiedig God se naam.</li><li>• Hou die Sabbat heilig.</li><li>• Eer jou ouers.</li><li>• Moenie moord pleeg nie.</li><li>• Moenie egbreuk pleeg nie.</li><li>• Moenie steel nie.</li><li>• Moenie leuens vertel nie.</li><li>• Moenie afgunstig wees nie.</li></ul>
-----------	---

**Table 3**

Sleutelpunte:	<ul style="list-style-type: none"> <li>• Jesus het uit die dode opgestaan.</li> <li>• Die Heilige Drie-eenheid is God die Vader, Seun en Heilige Gees.</li> <li>• Jesus het verkondig dat mense God moet liefhê, en hul naaste soos hulself moet liefhê.</li> </ul>	
Heilige Geskrif:	BYBEL Dié heilige boek bestaan uit twee dele, die Ou en die Nuwe Testament. Die Ou Testament bevat die heilige geskrifte van die Jode. Die Nuwe Testament gaan oor die lewe van Jesus en die groei en lering van die vroeë Kerk.	
Heilige Gebruik:	DIE DOOP Die sakrament (heilige handeling) waartydens mense in water ondergedompel word, word die doop genoem. Christene wêreldwyd oor doen dit in die een of ander vorm wanneer hulle die Christelike geloof aanneem.	
Heilige Dae:	Naam	Gebeurtenis
	Kersfees	Jesus Christus se geboortedag
	Goeie Vrydag	Jesus word gekruisig
	Paasfees	Jesus staan uit die dode op
	Pinkster	Die koms van die Heilige Gees
Heilige Woorde:	<p><b>Evangelie:</b> Een van vier beskrywings van Jesus se lewe in die Nuwe Testament  <b>Nagmaal:</b> Brood en wyn word ter gedagtenis aan Jesus gebruik  <b>Protestante:</b> Christenkerke en -groepe wat in die 16de eeu van die Rooms-Katolieke Kerk afgeskei het  <b>Rooms-Katolieke:</b> Lidmate wat die gesag van die Pous aanvaar.</p>	
<i>continued on next page</i>		

Heilige Plekke:	ST PIETERSKERK Dit het meer as 100 jaar geduur om dié Rooms-Katolieke kerk in die Vatikaanstad, Rome, te bou. Tien argitekte was betrokke, onder andere Michelangelo, wat die koe-pel ontwerp het.
-----------------	--

**Table 4**